



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Natales Sanctorvm Belgii, & eorundem Chronica  
Recapitvatio**

**Molanus, Johannes**

**Dvaci, 1616**

Die vndecima Maij.

**urn:nbn:de:hbz:466:1-9477**

charius pronuncietur, cùm Græcè Macarius, Latinè sit Beatus. Obijciet fortassis quispiam, Macarium patriarcham Theopoleos Antiochizæ, ob hæresim in sexta Synodo depositum esse. Sed id accidit ante annum septingentesimum. Quare ad nostrum, qui millesimo anno claruit, trahi non potest: Mojeri tamen posset, Anne anno millesimo Antiocheni fuerint schismatici, & extra Romani pontificis obedientiam? Verùm & illud nobis impertinens est, quia circa dubitationem tenendum est beatum Macarium schismatum non fuisse, aut si de parte schismatis aliquando fuerit, id eum cum episcopatu reliquisse. Quid enim aliud clamant eius peregrinatio, & sanctissima conuersatio, inter Romanæ ecclesiæ filios? Quid tot miracula, quibus eum & viuum, & mortuum, diuina bonitas decorauit.

### Die vndecima Maij.

#### 10. De sancto Gengulpho martyre.

*Ex historia à Surio edita, Gonsoni, &c. aliunde.*

**V**arennae, sancti Gengulphi martyris, qui fuit natione Burgundus, iustitio laicus & regi Pipino militari officio coniunctus. Cuius rei argumento est armatura quæ asseruatur in ecclesia eius nomini & honori dicata. De vita & miraculis, propter crebras barbarorum incursionses, paulca fidei relatione comperta habentur. Quorum unum est, quod regio ministerio perfunctus, fontem emerit in Campania, quem diuinitus Varennas transtulit, ubi saluberrime exundat, & per citius ingravia multis adfert sanitatem. Alterum est, quod uxorem se cum uno è clero polluentem reliquerit. Vnde ab impuro clero vulnus accepit, ex quo, (viatico tamen præmunitus) feliciter martyr migravit, & ab amitis suis Wildetrude & Wildegosa Varennae est sepultus, in basilica quam

ipse construxerat & dotauerat in honorem sancti Petri. Indignam autem cædem cælestis vindicta est subsecuta. Nam clericus cum fæcibus corporis, viscera etiam sua, in cloacam depositus. Vidua vero, quæ impure dixerat, corpus Gengulphi miracula non aliter edere, atque suum anum, inaudito diuinæ animaduersionis exemplo, obscenos crepitus, quoad vixit, edidit frequentissimè. Hæc ex historia diximus: quæ etiam in carmina redegit Rosuidis, abbatissa Gandersheimensis. Huc autem hæc adferenda putauimus, quia reliquiae huius martyris multis miraculis claruerunt in parochali & collegiali ecclesia sancti Gengulphi, oppidi Florinensis. Vnde dictæ ecclesiæ fundationem, & patroni miracula, peculiari libro Gonzo, quartius abbas monasterij sancti Ioannis Baptistæ Florinensis descripsit. Et natalem celebrant hac die: aduentum vero reliquiarum, sexta Augusti. Quas tamen dolent sibi anno quinquagesimo quarto, aut incendio, aut direptione perisse, in bello Henrici regis Galliarum. Præterea legitur in vernaculis Hollandiæ chronicis. Wulframno episcopo Frisijs Christum annunciantem S. Gengulphum equitem & Burgundiæ Comitem, auctoritate & mandato regis Pipini, potentia seculari cooperatum fuisse, cumque ob id toto anno residisse in Medenblic, & Episcopo petente prima ie- cisse fundamenta Ecclesiæ in Oostwoude.

*Dicit. 3. cap.  
27.*

Addunt nonnulli Gengulphum, Venantium & Pharaildem ex materno latere fratres esse sanctæ Gadilæ. Quod ab alijs negatur.

2<sup>o</sup>. Me-

**2<sup>o</sup>. Memoria tumultus Anabaptistarum.**

**E**odem die, Amstelredami, memoria libera-  
tæ ciuitatis à furore anabaptistarum anno  
1535, quæ celebratur cum festo die ante meridiem,  
officio triplici de sancta Trinitate in utrisque Ve-  
speris, cum Missa solenni, supplicatione totius  
cleri cum venerabili Eucharistia, vigilijs nouem  
lectionum, & Missa pro defunctis, qui nouemde-  
cim per anabaptistas occubuerunt.

Die duodecima Maij.

**1<sup>o</sup>. De reliquijs S. Pancratij, mart. Romani.**

*Ex fide Ultraiectinorum, & monumentis Ganden-  
sium, quæ exhibuit D. Petrus Simonis, archipres-  
byter ciuitatensis.*

**R**omæ, via Aurelia, sancti Pancratij marty-  
ris: qui cùm esset annorum quatuordecim,  
sub Diocletiano martyrium capitis obtrunca  
tione compleuit. Cuius reliquiae habentur VI.  
traiecti ad sanctum Saluatorem: Ideoque natalis <sup>Primus in</sup>  
eius celebrari solet à clero & populo dictæ dio- <sup>topogra- phia.</sup>  
cessis. Dicuntur etiam Romani caput martyris ha- <sup>Petrus de</sup>  
bere in æde Lateranensi, & corpus in æde san- <sup>Natalibus,</sup>  
cti Pancratij. Idem corpus Venetæ sorores ec- <sup>Venetus.</sup>  
clesiæ S. Zachariæ sibi attribuunt. Non tamen <sup>l. v. c. 156.</sup>  
hinc consequitur, Traiectum falso sibi ascribere  
corpus martyris, eo quod unius martyris corpus;  
sive notabiles corporis reliquias tribus in locis es-  
se, non sit absurdum. Imo pluribus in locis sancti  
Pancratij reliquias haberi constat, ex epistolis a-